

## Plenchi

### Bèl a bati

**TRINGG TRINGGG bèlèm..... TRINGG TRINGGG bèlèm.....**

**Un felis dia pa boso. Bon bini riba nos plenchi di skolnan katólíko. Despues di un selebrashon bunita di Kristu Rei, nos ta drenta atvènt. Ban prepará nos mes pa risibí Kristu den nos bida i nos kurason. Nos ta masha kontentu ku AMAK ke selebrá nan 50 aña regalando komestibel na famianan. Danki na tur músiko i tur otro persona ku ke kopera ku e famianan di nos skolnan.**

**Puntonan di entrega ta**

- 1. Ofisina di RK na Pietermaai, banda di Katedral entre 8 or pa 4 or**
- 2. Na Kolegio San Hose na Barber entre 8 or pa 12 or**
- 3. Kolegio Bellefaas Martis banda di misa di st. Rosa entre 8 or pa 12 or.**

**Awe ta dia di enseñansa. Un dia pa nos reflehá i pone atenshon riba e kondishonnan pa nos enseñansa por tuma lugá den un ambiente sano, seif i moderno pa nos personal i nos studiantenan.**

**Danki pa e amor pa kompartí. Pasa un felis wikènt.**

### Riba roster

**Ban sera konosi ku RK MTS**



**RK-MTS (SBO-techniek):**

**Hóben ba kaba bo VSBO i bo ta interesá den un trabou garantisá den e mundu tèkniko di awe? RK-MTS ta bo adrès pa logra esaki.**

**RKMTS ta okupá un lugá hopi importante den nos komunitat aki na Kòrsou. Nos ta ofresé edukashon husando e materialnan/mashinan/instrumentonan di mas moderno ku tin. Nos vishon nos ta laga guia nos.**

**Nos Vishon/Meta: prepará nos studiantenan pa bira tèkniko profeshonal ku un mentalidat balansá ku ta duna un aporte positivo na nos komunitat.**

Kon nos ta hasi esaki: nos ta ofresé enseñansa tèkniko na un nivel haltu den un ambiente sano.

Lema: no student left behind. Kada studiante ta úniko.

Kada studiante tin su mes kapasidat i forma kon e ta prosesá e materia ku ta ofresé. Nos ta bon konsiente di esaki pesey nos ta apliká diferente método didáktiko den nos skol.

Nos ta ofresé estudio den e siguiente ramo di teknologia:

\* Elektro\* Konstrukshon\* Teknologia industrial

Nos tin 3 nivel:

\* Nivel 2: Edukashon práktiko básiko (basisberoepsopleiding)

\* Nivel 3: Edukashon di fishi avansá (Vakopleiding)

\* Nivel 4: Edukashon teoriko spesialisá

Kua estudio nos ta ofresé:

## **Bouwkunde**

1. Voortgezette Timmerkracht (VT), nivel 3. (karpinté independiente). Ora bo finalisá e estudio aki lo bo por klabá bekisting, “stèl profiel”, pega blòki etc. ku otro palabra bo por bai traha pa un kontratista of lanta bo propio negoshi di kontratista. Tambe bo por sigi e nivel 4 serka nos mes (BAU). E trayekto di e opleiding aki ta Werkend Lerend. Esaki ta nifika ku gran parti di bo estudio lo bo pasé den un kompania pafó di skol. Durashon 3 aña.

2. Bouwkunde middenkaderfunctionaris (BWK), nivel 4 (Tekenaar/voorbereider) Na final di e estudio aki lo por traha pa kualke “architectenbureau”, pinta bo propio kas, kalkulá gastunan den konstrukshon, konstrukshon. E trayekto ku e estudio aki ta sigui nos ta yamá Werkend Lerend. Esey ta nifiká ku bo ta un dia pa siman na skol i 4 dia den un negoshi. Durashon 2 aña.






## Elektrotechniek

1. Monteur Sterkstroom Installaties (MSI), niveau 2. (Hulpmonteur). Ku e diploma aki lo bo por traha komo asistente den kualke kompania di koriente. Por ehempèl yuda instaéa kas of negoshi. Tambe bo por skohe pa sigui nos nivel 3 EMSI. Durashon 2 aña.
2. Eerste Monteur sterkstroom Installaties (EMSI), nivel 3. (Monteur) Bo ta instalá koriente na kasnan of kompanianan. Tambe bo por sigui nos nivel 4 ora bo terminá nivel 3. Durashon 3 aña.
3. Tèkniko sterkstroominstallaties (TSI), nivel 4. (Negoshi propio). Finalisando e estudio aki lo bo por lanta bo propio kompania di instalashon. Durashon 2 aña.

4. Elektrotechniek middenkaderfunctionaris Automatiseringsenergietechniek (AEN), niveau 4. (Operator/Tekenaar). Ora bo kaba e opleiding aki ku eksito bo ta kapas pa diseñá, pinta i konstruí instalashonan elèktriko. Durashon 4 aña.



### **Industriële Technologie**

1. Montage Monteur Onderhoud (MMO), nivel 2.- (Asistente Mèkaniko).  
Mayoria di nos studiantenan ku kaba e nivel aki ta drenta bedrijschool na Damen of Isla. Aki bo ta siña traha piesanan ku draaibanknan komputerisá. Tambe siña buska storing den motornan. Despues di e estudio aki bo por skohe pa sigui nivel 3 tambe. Durashon 2 aña i mei.
2. Eerste Monteur Industrieel Onderhoud (MMIO), nivel 3. (Monteur). Na final di e opleiding aki bo por drenta bedrijschool na Damen of Isla. Durashon 3 aña.
3. Werktuigbouwkunde middenkaderfunctionaris (WTB), nivel 4 (Hoofdmonteur/werkvoorbereider). Komo un werktuigbouwer bo por hasi kalkulashonan di konstrukshon ku stal, bo por pinta konstrushonan di stal i tambe fungi komo voorman. Durashon 4 aña.

### **Kiko bo por hasi ora bo kaba ku diploma di MTS?**

\* Kuminsá traha den un kompania komo tèniko spesialisá\* Sigui studia i profeshonalisá na MTS, HTS (korsou) of HTS (Hulanda)  
Kiko ta hasi nos speshal?

- \* Nos tin e aparatonan tèkniko di mas modèrno pa asina nos no pèrde e konekshon ku merkado laboral tantu lokal komo internashonal.
- \* Nos ta traha den diferente proyekto pa desaroyá e kalidatnan di un bon lider den nos studiantenan.
- \* Nos ta bai bishitá diferente kompania pa nos studiantenan mira i komprondé mihó kon e teoria ta wordu implementá den praktika
- \* Eksperiensha den práktika ta di sumo importansha, pesei tur nos studiantenan tin ku hasi por lo menos 2 temporada di “stage” (BPV)
- \* Nos dosentenan riba un base regular ta bai diferente kurso den area di tèknologia i tambe formashon soshal di nos studiantenan.
- \* Nos tin un team di kuido hopi speshalisá i bon strukturá.
- \* Nos tin un BPV-bureau (stage-bureau) speshal pa duna nos studiantenan guia ora nan ta den kompania
- \* Nos studiantenan ta hasi hopi obra di karidat. Resientemente a drecha verkeerspark, tápanan ku tabata deficiente na poèp di gasolin, drecha kozein i portanan na diferente skol, parke di bestia, dòrna rotònde (lamentable ku e aña aki Aqualectra no tabata tin finansas). Esaki ta djis pa menshoná algun.
- \* Studiantenan ku ke sigui studia na HTS por sigui un “HBO-pakket” serka nos.

### **Kon nos ta keda bai dilanti?**

Nos ta kere den un bon kontakto ku mèrkado laboral i internashonal asina nos ta keda na altura di tur desaroyo modèrno den nos komunidad. Pesei nos tin kontakto intensivo ku diferente kompania grandi i renombrá na Kòrsou manera (Aqualectra, Damen, ISLA).

Huntu nos ta optimalisá e enseñansa ku nos ta ofrese.

Ku bon koperashon di nos kompanianan lokal nos ta duna diferente di nos lèsnan práktiko den empresanan lokal. (E.o. na ISLA i Damen)

Bon kontakto ku University of Curacao (UoC ) i Saxion Hogeschool na Hulanda preparando e studiantenan ku ke sigui studia despues di risibí e diploma di MTS (nivel 4)

### **Openleercentrum**

Tur studiante ku ke traha riba un proyekto of siña pa un prueba, por bai den nos “Openleercentrum”. Einan tin diferente fasilidat i trankilidat pa nan hasi bon uso di dje.

## **Fitnesscenter**

Den un kurpa sano tin un mente sano pesey nos studiantenan mes huntu ku dosentenan a konstruí un fitness center kaminda nos studiantenan por hasi nan ehersisionan.



## **Fabricationlab (Fab LAB)**

Nos ta den fase final di e desaroyo di nos “Fabrication Lab”. Esaki ta un laboratorio spesialisá i bon ekipá ku diferente aparato i hermènt komputarisá. Husando esakinan nos por produsí kasi tur piesa ku nos mes a diseña. (Foto’s)

Pa mas informashon nos ta referi na nos facebook:  
[www.facebook.com/mtscuracao/](http://www.facebook.com/mtscuracao/)

## **Mucha djispou**

**Chantal ta kore sali dor di misa bai arohá. Su mama ta puntré kon a bai.**

**“A bai bon , danki Dios tabatin un skal patras ku un bòrchi skibí ‘pa enfermonan’, mi a saka den dje.”**